

詩

緒

餘

錄

詩緒餘錄卷五

檜風

隰有萋楚

萋楚

毛傳萋楚鉋

音弋也釋草

猗儺柔順也鄭箋萋楚

藤生子赤一名鼠矢又云鉋弋之性始生正直及其長

大則其枝猗儺而柔順孔疏猗儺然枝條柔弱郭注今

羊桃也邢疏或云鬼桃陸疏萋楚今羊桃也葉長而狹

華紫赤色其枝莖弱過一尺引蔓於草上今人以爲汲

灌重而善沒不如楊柳也近下根刀切其皮着熱灰中

言新會金卷五  
脫之可韜筆管。或云有兩羊桃。一種華實皆連理。故詩以刺淫恣。○王氏述聞曰。傳箋並以猗儺爲柔順。但下文又云猗儺其華。猗儺其實。華與實不得言柔順。而亦云猗儺則猗儺乃美盛之貌矣。小雅隰桑篇隰桑有阿。其葉有難。傳曰阿然美貌。難然盛貌。阿難與猗儺同字。又作旖旎。楚辭九辯曰。竊悲夫蕙華之會敷兮。紛旖旎乎都房。王逸注旖旎盛貌。詩云旖旎其華。王引詩作旖旎而訓爲盛貌。與毛傳異義。蓋本於三家也。七諫苦李旖旎九歎。結桂樹之旖旎。王注並曰旖旎盛貌。

曹風

蜚蠊

蜚蠊

毛傳

蜚蠊渠畧也朝生夕死

釋蟲

孔疏此蟲土裏

化生掘地而出今日掘闕謂升騰變化也郭注似蛄

音詰

蜚身狹而長有角黃黑色叢生糞土豬好噉之樊光曰

是糞中蝎蟲隨雨而出陸疏蜚蠊方土語也通謂之渠

畧似甲蠱有角大如指長三四寸甲下有翅能飛夏月

陰雨時地中出今人燒炙噉之美如蟬也埤雅蟲似天

牛而小有甲角長三四寸黃黑色甲下有翅能飛翕然

生覆水上尋死隨流梁宋之間曰渠畧中朝生暮殞有

浮游之義故曰蜚蠊夏小正五月蜚蠊有殷殷眾也姜

氏炳璋曰掘閱麻衣俱未詳其義今姑本先儒之說解之。蜉蝣黃黑色安得云如雪閱與穴通管子云掘閱得玉是也。莊子逸篇云空閱來風蜉蝣初出之色無考意者初出穴時色白後變爲楚楚采采耳。**案**趙氏佑依疏以閱說古字通閱者悅懌之意言其掘地而出形容鮮閱引左傳南宮閱亦作南說爲證然如疏說則掘字爲歇後似不如姜說之善。趙氏佑曰檜曹之詩各四而前二詩皆言衣服。羔裘蜉蝣但知炫飾於一時不求國家之大計。庶見素冠則喪而衣錦矣。赤芾不稱則下僭上矣。皆務華靡之咎也。富強之邦有此足以亂小國則速

亡而已矣。○顧炎武日知錄引內邱縣志曰萬厯初童子髮長猶總角年二十餘始戴網天啓間則十五六便戴網矣萬厯初庶民穿脆靸儒生穿雙臉鞋非鄉先生首戴忠靖冠者不得穿鑲邊雲頭履俗呼朝鞋至近日而門快輿皂無非雲履醫卜星相莫不方巾先年婦人非受封不敢戴梁冠披紅袍繫拖帶今富者皆服之又或著百花袍不知創自何人萬厯間遼東興冶服五采炫爛不三十年而遭屠戮茲花袍幾二十年矣服之不衷身之災也兵荒之咎其能免與

候人

鵜

毛傳鵜洿澤也郭注今之鵜鵒也好羣飛沈水食魚

故名洿澤俗呼之爲淘河陸疏鵜水鳥形如鵒

陶本作鵒今从

趙而極大喙長尺餘直而廣口中正赤領下胡大如數

升囊好羣飛若小澤中有魚便羣共杼水滿其胡而棄

之令水竭盡魚在陸地乃共食之故曰淘河埤雅淮南

子云鵜鵒飲水數斗而不足鱸鰭入口若露而死蓋魚

生水中而口不納水顏之推云魚不咽水莊子云魚不

畏網而畏鵜鵒言鵜以智力取魚故畏之也張風林曰

淮南子齊俗訓云鵜鵒飲水數斗而不足雖指能竭澤

言然亦寓貪得意趙氏佑曰鵜必濡翼而後能得魚乃

稱其爲鵽喻人之服官必治其事小人但尸居也又云  
漁者畜摸魚公得魚輒以供其主鵽纔濡味而已媾之  
爲言親也易曰匪寇婚媾小人事君但知罔上營私無  
忠愛之忱寇也非婚媾也○表記注曰污澤善居泥水  
之中在魚梁以不濡其翼爲才如君子以不稱其服爲  
有德王應麟云此韓詩說也國語載楚子引詩曰彼其  
之子不遂其媾郵之也郵與尤同蓋古說已深

### 鳴鳩

鳴鳩

毛傳鳴鳩結鞠也

釋鳥同

鳴鳩之養其子朝從上下

暮從下上平均如一郭注今布穀也江東呼爲獲穀陸



疏鳩鳩鵲今梁宋之間謂布穀爲鵲鵲一名擊穀一名桑鳩方言云月令戴勝降於桑是也詩緝卽郊子所謂鳩鳩氏司空也鳩鳩平均故爲司空平均水土仲春鷹所化也或謂之題肩齊人謂之擊正埤雅一名搏黍江東呼爲郭公牝牡飛鳴以翼相排不自爲巢居鵲之成巢馮衍逐婦書云口如布穀言其多聲也周官羅氏中春獻鳩以養國老鳩性不噎食之且助氣也續禮儀志曰仲秋案戶校年老者授之以杖其端刻鳩以此禽經曰一鳥曰佳二鳥曰雉三鳥曰朋四鳥曰乘五鳥曰雇六鳥曰鵲七鳥曰鵲八鳥曰鸞九鳥曰鳩十鳥曰鵲

毛氏奇齡曰此鴈鳩卽禽經拙鳩召南所云居鵲巢者也原有戴勝鵲鳩布穀諸名然總名鵲鳩春秋傳以爲司空正以鵲鳩無定居或穴或巢有似司空之平民居不一其地者故揚雄謂卽戴勝而孔穎達非之誤矣○說苑引魯詩傳曰鴈鳩之所以養七子者一心也君子所以理萬物者一儀也范氏家相云荀子曰其儀一兮心如結兮故君子結於一也此魯說之本惟心結於一而不二斯儀見於外而如一儀一卽不忒與記所言其在朝廷則道仁聖禮義之序等語同義儀一之義大矣哉經傳皆美君子之詞毛以爲刺者美古之君子以刺

今之君子不一也。其說一貫。

下泉

苞稂

毛傳童梁也

釋草同

孔疏禾之秀而不實者非灌漑

之草故得水而病苞叢生也。泉流自上而下可以及物。今其所浸乃叢生禾閒生而不成之稂。見田野荒蕪。民不得其所也。郭注莠類也。陸疏稂童梁禾秀爲穗而不成。崩然謂之童梁。今人謂之宿田。翁或謂之守田也。甫田云不稂不莠。外傳曰馬飭不過稂莠皆是也。○鄭箋稂當作涼。涼草蕭著之屬。孔疏釋草不見草名涼者。未知鄭何所據。趙氏佑云草木名爾雅缺載者多矣。鄭

學固當有據但不免多事耳

苞蕭

毛傳蕭蒿也埤雅蕭一名荻卽白蒿葉白莖粗科

生有香氣故祭祀以脂爇之蓋炳蕭求諸陽也商人先求諸陽故先炳蕭而後灌鬯周人先求諸陰故先灌鬯而後炳蕭詩曰浸彼苞蕭民者上之所恃以事宗廟社稷蕭之象也蕭字从肅秋風之過蕭意象肅然詩緝蕭香蒿也牛尾蒿也草叢生曰苞

苞著

毛傳著莖草也集傳蒿屬陸疏似藟蕭青色科生

埤雅从耆草之壽者也六十曰耆卦之別六十有四耆數窮於此且著所指非極數也博物志曰以老故知吉

凶生千歲三百莖同本其上常有黃雲覆之天子著長九尺諸侯七尺大夫五士三亦有美惡如龜焉上有叢著下有伏龜故龜著必相爲用

豳風

七月

喜

鄭箋喜讀爲饔饔酒食也

釋訓同

孔疏耕者之婦子奉

饋食餉耕作者田畯來至見其勸農事則歡喜也蓋不從鄭說儀禮特性饋食注炊黍稷曰饔邢疏饔一字通酒食兩名也李巡云得酒食則喜歡也玉篇黍稷也歐陽氏修曰田大夫見其勸農樂業而喜說與鄭異集傳

從歐陽說較勝。以上第一章鄭箋陳人以衣食爲急餘章廣而成之。

倉庚

毛傳倉庚離黃也懿筐深筐也微行牆下徑也五

畝之宅樹之以桑鄭箋陽溫也溫而倉庚又鳴可蠶之候也柔桑穠桑也蠶始生宜穠桑毛氏奇齡曰此鳥十餘名而總以其色稱如鰲黃之鵬皆以一黃一黑爲名惟此倉庚不可解舊注倉爲穀藏倉黃穀熟之色則倉本黃色而又與蒼通月令駕倉龍漢陳勝傳倉頭軍蕭望之傳倉頭廬兒皆以蒼爲倉而蒼卽是黃則鰲黃也庚者更時之鳥也又作商庚商庚音訛亦作鷦鷯此正

以鳥部增鳥傍者

柔桑 林氏有席曰桑有數種白桑葉大如掌而厚雞桑  
葉小而薄子桑先甚而後葉山桑葉尖而長皆可飼蠶  
縈 毛傳縈所以生蠶詩緝白蒿也埤雅農功有早晚蠶  
事有先後故言求桑於前以著蠶之早者采縈於後以  
著蠶之晚者今覆蠶尚用蒿○以上第二章鄭箋春女  
感陽氣而思男秋士感陰氣而思女是其物化所以悲  
也悲則始有與公子同歸之志欲嫁焉女感事苦而生  
此志是謂幽風

萑葦 毛傳葦爲萑葦爲葦豫畜萑葦可以爲曲也鄭箋

將言女功。自始至成。孔疏初生爲莢。長大爲藨。成則名爲荏。初生爲葍。長大爲蘆。成則名爲葦。夏小正七月秀。藨葦。盧辯注。未秀則不爲藨葦。秀然後爲藨葦。故先言秀。月令仲春具曲。植筥筐。荏葦所以豫備爲曲也。故言女功及此。埤雅爾雅曰葦醜。芳言其華皆有芳秀。今風飄輒吹揚如雪。其聚於地如絮。淮南子曰蒹苗類絮而不可以爲絮。荏卽今之荻。一名蒹。蒹荏之未秀者也。葦卽今之蘆。一名葍。葍葦之未秀者也。葍一名華蒹。一名蒹蒹。高數尺。今人以爲蒹箔。因此爲名。至秋堅成。謂之荏葦。幼曰蒹葍。長曰荏葦。先儒以爲荏如葦而細。案禮



曰葦籥是葦爲管中籥則荏小而葦大信矣。是故謂之偉。又从葦緩故也。荀子云柔從若蒲葦非怯懾也。葦可緯爲簿席荏亦可緯唯完而用不如蘆之或析故音完。舊云雞羽焚而清颺起蘆灰缺而月暈移說者謂取蘆草灰隨牖下月光中令圓畫缺其一面則月暈亦缺於上云郊居賦曰編霜莢葦寒茅蓋茅莢醜霜降收縮萬物然後堅成可用故詩取況如此詩緯郭云莢似葦而小又云蒹似荏而細是蒹小於荏荏小於葦。

蠶 埤雅蠶陽物也惡水食而不飲淮南子云蠶食而不飲。蟬飲而不食。蜂。蟬。不食。不飲。再蠶謂之原蠶。原蠶有

禁爲其殘桑也。鄭康成云蠶爲龍精月值大火則浴其種是蠶與馬同氣物莫能兩大禁之爲害馬也。里俗謂之夏蠶亦曰熟蠶亦曰晚蠶自先王之教不行民間一歲有至三蠶者是以桑弱而馬耗蠶書曰飼蠶勿用雨露溼葉蓋蠶性惡溼故禮云風戾以食之也太元曰紅蠶緣於枯桑其繭不黃蓋蠶足於葉三俯三起二十七日而蠶已老則紅故曰紅蠶紅蠶以繭自衣亦或謂之室易林曰饑蠶作室是也程氏曰蠶長之月計歲之早晚不可指定幾月舊說古者后妃享先蠶先蠶天駟也詩序絲衣高子曰靈星之詩也郝氏云此祈蠶之詩靈

星龍星卽房星東方蒼龍之宿蠶爲龍精尸以象之爲蠶絲故衣絲也漢舊儀曰今蠶神曰苑窳婦人寓氏公主凡二神焉林氏有席曰蠶妊絲蟲雄繭尖細緊小雌者員蔓厚喙呬呬似馬斑斑似虎黃帝元妃西陵氏始養蠶月令季春享先蠶天子薦鞠衣於先帝治蠶之月當是三月。

女桑

毛傳女桑萑桑也

釋木

集傳取葉存條曰猗補傳

猗倚也猶依也就樹采之也詩緝上章求柔桑桑葉之嫩者蠶事之始也樹小而條長者爲女桑物之小者稱女猶今稱女牆也大樹條取之小樹依取之大小無遺

蠶事之成也。黃氏震曰：前云柔桑，指桑葉之小者。此云女桑，指桑樹之小者。

鵽

月令仲夏之月，鵽始鳴。毛傳：鵽，伯勞也。

釋鳥

鄭箋：伯

勞，鳴將寒之候也。五月則鳴。幽地晚寒，鳥物之候。從其氣焉。孔疏：樊光云：春秋傳少皞氏以鳥名官，伯趙氏司至，伯趙，鵽也。以夏至來冬至去，郭注似鵽，鵽而大，陳思王惡鳥論云：伯勞以五月鳴，應陰氣之動，陰爲殘殺。伯勞蓋賊害之鳥也。其聲鵽鵽，故名。困學紀聞：七月箋傳言幽土晚寒者三。孫毓云：寒鄉率早寒，北方是也。熱鄉乃晚寒，南方是也。毛傳言晚寒者，幽土多寒，雖晚猶寒。

非謂寒來晚也。范處義詩補傳：鵲仲夏始鳴，至七月則鳴極而將去。王肅云：蟬及鵲皆以五月始鳴，今云七月，其義不通。古五字如七埤雅釋鳥：鵲鵲醜其飛也。鵲說文：鵲斂足也。今鵲鵲醜飛皆斂足，腹下蓋倉庚知分陽氣分可蠶之候也。鳴鵲知至，陰氣至可績之候也。舊云：鵲善制蛇，鳴則蛇結類。從曰：鵲鳴在上，蛇盤不動。鵲鳴在上，蟬反不行。或曰：金得伯勞之血，則昏；鐵得鵲雞之膏，則瑩；石得鵲髓，則化；銀得雉糞，則則枯。鵲趙岐孟子注作馱。王氏述聞曰：是詩紀月之例，或次第相因。七月流火，八月萑葦之類是也。或相距一月。七月流火，九月

授衣之類是也。其有相距不止一月者，則於第三句始得轉韻爲之。如七月流火，與八月萑葦韻也。而下句蠶月條桑，則與取彼斧斯爲韻。四月秀葳，與五月鳴蜩韻也。而下句八月其穫，則與十月隕穽爲韻。蓋八月之去蠶月，五月之去八月中間甚遠，則必轉韻以別之。此七月一篇之例也。若作五月鳴鵙，則與八月載績相距兩月。文甫二句而義已參差，韻復無別於例，爲不倫矣。肅說非是。案此條可爲讀書稽古之則。徐氏鼎曰：夏小正伯鷄詩謂鵙，春秋傳謂伯趙。詩疏謂博勞，釋鳥謂伯勞。孟子謂鵙，皆指此鳥。趙氏佑曰：月令仲夏鵙始鳴，此言

七月程子謂月令多舉其始。此但言其有時。不必始有。  
○以上第三章。鄭箋將言女功自始至成。故又本於此。  
萋 毛傳萋萋草也不榮而實曰秀。鄭箋秀萋也。鳴蜩也。  
穫禾也。隕穽也。四者皆物成而將寒之候。物成自秀。萋。  
始釋草。萋繞棘菀。郭注。今遠志也。似麻黃赤華葉銳而。  
黃其上。謂之小草。博物志。苗曰小草。根曰遠志。陶隱居。  
曰。小草狀似麻黃而青。世說。謝安曰。處則爲遠志。出則。  
爲小草。王應麟詩考。四月秀萋。諸儒不詳其名。惟說文。  
引劉向說。以爲苦萋。曹氏粹中以爾雅本草證之。知其。  
爲遠志。詩緝。一名棘菀。一名繞萋。一名細草。然遠志以。

三月開花四月采根陰乾則四月非正秀時今講家謂  
蕒感陰氣而早秀皆無確據故集傳秀蕒無確指釋草  
木謂之華草謂之榮不榮而實者謂之秀今遠志苦澀  
之甚醫家以甘草熟蕒之乃可用毛氏奇齡曰夏小正  
秀幽詩秀蕒一也張氏云得毋以幽蕒聲相近而誤與  
李氏迂仲云內經注引月令作吳葵華吳葵卽蕒然則  
秀幽之爲秀蕒蓋有本矣趙氏佑曰傳不榮而實曰秀  
疏引爾雅不榮而實者謂之秀證之然草木皆先榮後  
實不榮而實者甚罕惟今之無花果乃木類非草此言  
秀以吐華言自當爲榮而實者不得爲不榮卽爾雅疏



亦以黍稷實發實秀當之。黍稷更非不榮之物。音義則云。眾家本並無不字。郭注本有不字。然郭注闕無以明之。竊疑眾家本是也。此傳或亦無不字。後人因郭本誤增者。葦詩緝載曹氏以爲遠志。西河詩札謂卽月令苦菜秀合之。箋云。王荇卽月令王瓜。雖未知孰是要之。皆非不榮者也。

蜩

毛傳蜩蟬也。孔疏此與月令寒蟬異。夏小正五月蟬

蜩鳴。七月寒蟬鳴。釋蟲。蜩蜋。蜩蟬。郭注蜋蜩者五彩

具。蟬蜩者蜋俗呼爲胡蟬。江南謂之蟬蜋。詩緝是蜋蜩。蟬蜩二種蟬也。楚謂蟬爲蜩。宋衛謂之蟬蜩。陳鄭謂之

蜋蜋秦晉謂之蟬實一物。隨方俗異名。餘詳蕩。

蕻 黃氏日抄曰。毛傳蕻落也。然則與隕字之義何別。當采說文之意。乾葉爲蕻。

貉

毛傳于貉謂取狐狸皮也。孔疏。月令孟冬天子始裘。

此後臣民亦服裘矣。孟冬已裘而仲冬始捕獸者爲來年用之。皮革踰歲乾冬乃可用。又疏禮無貉裘。孔子狐貉以居。明貉賤也。貉卽狐狸。釋獸。貉子貍。字林。貉似狸善睡。其子名貍。埤雅。狐善疑。貉善睡。其營窟與獾皆爲曲穴。以避雨暘。亦以防患。故淮南子曰。螻知爲垤。獾貉爲曲穴。此鳥獸之智也。俗云獾貉同穴而異處。獾之出。

穴以貉爲導考工記曰貉踰汶則死劉楨詩義問狐之類貉獬貍也徐氏鼎曰埤雅貉似貍集傳貉狐貍也蓋其形似狐貍非卽訓狐貍也生山野間頭銳鼻尖毛黃褐色其皮溫厚穴處晝伏夜出捕食性嗜睡人或畜之以竹叩醒已而復睡今吳人稱嗜睡者曰貉睡趙氏佑曰貉獵祭之名羅氏爾雅翼周人將獵則先祭貉因稱獵爲貉據周禮大司馬蒐田有司表貉及甸師大田獵則祭表貉之文西河以說一之日于貉甚佳

貍

埤雅貍豸在里者里人所居也貍穴而藹故又通藹論衡曰小盜貍步鼠竊貍之飼物卑身而伏以候遨者

性善擬度故大射以狸步張三侯爾雅曰狸狐貓貉醜其足蹠其跡爪蓋四者其性一而狸又伏獸好擬度故其跡皆爪而不速狸脊間有黑理一道如界或曰字从理省尙以此歟與鯉制字同義春秋傳定九年齊大夫東郭書衣狸製服虔注狸製狸裘也本草狸似虎而尾有黑白文相間者名九節狸皮可製裘宋史貢野貓花貓二種卽此

縱狝 毛傳豕一歲曰縱二歲曰狝大獸公之小禽私之狝周禮注作肩鄭箋其同者君臣及民因習兵俱出田也不用仲冬亦幽地晚寒也日知錄曰言私其縱獻狝

于公先私而後公也。自天下爲家各親其親各子其子而人之有私固情之所不能免。故先王非惟弗禁且從而恤之。建國親侯。胙土命民。畫井分田。合天下之私以成天下之公。此所以爲王政也。世之君子必曰有公而無私。此後代之美言。非先王之至訓矣。以上第四章。鄭箋于貉往搏貉以自爲裘也。狐狸以共尊者言此時寒宜助女功。

斯螽 詩緝斯螽蚣蝢也。蚳螽也。舊說謂卽螽斯非。陸疏爾雅云蜚螽蚣蝢也。揚雄云春黍也。幽州人謂之春箕。春箕卽春黍。螽類也。長而青。長脚長股。股鳴者也。或云

似蝗而小班黑其股作瑇瑁文五月中以兩股相切作聲聞數十步李氏曰考工記云以股鳴者以翼鳴者以股鳴者斯螽是也。以翼鳴者莎雞是也。徐氏鼎曰江東人呼爲吒蛎。音摘麥今謂之蚱蜢善害田穉。**案**螽斯言羽斯螽言股自是二物。蓋螽斯善飛斯螽善躍也。爾雅蜚音斯故嚴氏以斯螽爲蚣蝢卽蚱蜢也。

莎雞 詩緝莎雞絡緯也。促織類釋蟲翰天雞郭注小蟲身黑赤頭一名莎雞又曰樗雞陸疏莎雞如蝗而斑色毛翅數重其翅正赤或謂之天雞六月中飛而振羽索索作聲幽州人謂之蒲錯古今注莎雞一曰紡緯謂其

鳴聲如紡績也爾雅翼頭小而羽大有青褐兩種一名  
絡緯今人謂之絡絲娘似機杼聲可以趣婦功埤雅其  
鳴以時故有雞號俗云絡緯雄鳴於上風雌鳴於下風  
而風化徐氏鼎曰本草在樗木上頭翅赤者人呼紅娘  
子非莎雞也莎雞似蝗毛翅數重止而振羽而作聲有  
如紡緯今吳人呼爲紡績娘集傳謂斯螽莎雞蟋蟀爲  
一物隨時變化而異其名然鄭箋云言此三物如此著  
將寒有漸則明是三物無疑

蟋蟀

詩緝蟋蟀促織也王氏廷範曰斯螽莎雞蟋蟀注

謂一物隨時變化而異其名非也蓋三蟲形聲各別應

時孳育。非一物也。斯螽卽促織。案句似尾有三稜軋軋

作機聲。五六月間響出。兩股莎雞較。大於斯螽。作絡緯

聲。歐陽子秋聲賦。謂如金戈鐵馬。蓋感金氣而生者也。

蟋蟀生於野。居於壁。二尾爲雄。善鬪。三尾爲雌。不鬪。雄

非雌。不能安於籠。吳人以善價售之。較勝負。以得彩。姜

氏炳璋曰。考斯螽。股鳴。莎雞。翼鳴。蟋蟀。注鳴。經史中從

無一物。而股翼注。俱能鳴者。則三物也。案此卽董子所

謂子之齒者。去其角。傳之翼者。兩其足之義。亦可知。螽

斯。不可混作斯螽。一則其美在羽。一則其能在股也。

熏鼠。釋獸。鼯鼠。郭注。有螫毒者。邢疏。蓋如今鼠。狼春秋



成七年食郊牛角者是也。夏小正九月鼪鼯則穴。玉篇  
螫毒食人及鳥獸皆不痛。今之甘口鼠也。博物志鼠之  
最小者或謂之耳鼠。何休云鼪鼠鼠中之微者似鼫之  
鼠也。案鼠者總名。不必定爲何鼠。詩言穹窒塞其孔穴。熏  
之令出耳。徐氏鼎以鼪鼠當之。因夏小正則有穴之文。  
謂今吳中呼爲地鼠者似不必泥。○以上第五章。鄭箋  
自七月在野。至八月入我牀下。皆謂蟋蟀也。言此三物  
之如此。著將寒有漸。非卒來也。曰爲改歲者。歲終而一  
之日。蟄發二之日。栗烈當避寒氣而入所穹窒。瑾戶之  
室而居之。至此而女功止。

鬱

毛傳鬱棣屬孔疏棣樹高五六尺其實大如李食之  
甜一名車下李萋萋亦鬱類而小別劉楨曰鬱樹高五  
六尺其實大如李而正赤食之甘本草云一名雀李一  
名車下李一名棣則與棣相類詩緝鬱雀李也車下李  
也棣屬埤雅鬱之爲草若蘭十葉爲貫百二十貫爲築  
蕢以合鬯所以灌也禮曰鬱合鬯臭是也一日鬱鬯百  
草之華遠方鬱人所貢芳草合釀之以降神鬱今鬱林  
郡也案禮以鬯草生庭爲瑞則鬱本遠方所貢理或然  
也本草云其香十二葉爲百草之英二三月有華狀如  
紅藍四五月之間採華卽香

莢

毛傳莢莢莢也

說文同

孔疏一名車鞅藤本草莢莢子

生江東實似葡萄小而圓味酸色不甚紫劉楨曰莢莢李也一名藜莢鬱類而小別亦有車下之名蓋二者相類亦同時熟故名稱相亂詩緝莢李卽唐棣也韓詩作六月食鬱及藜爾雅疏載之趙氏佑云藜山韭也

葵

趙氏佑曰葵古人以爲菜食烹葵邀上客唐人猶尙

之而孔疏不詳其實爾雅一莢蚍蜉注今荆葵一蒂兔葵一芹楚葵一肩戎葵注今蜀葵似葵一葵葵露疏葵類然云似葵葵類而葵之正實卒未詳豈以爾雅於草木主釋異名不著常品故歟農書輯要列葵於瓜菜

卷中備錄齊民要術種子分畦澆糞翦招之法一歲之中可得三輩有春葵秋葵冬葵皆供常食崔寔曰六月六日可種葵中伏後可種冬葵九月作葵蒞乾葵是不但鮮食且供旨蓄矣廣雅言邱葵廣志言胡葵有紫莖白莖二種又有鴨脚葵考廣雅葵說文曰菜也常傾葉向陽不令照其根是今之向日葵乃古正葵與藿同稱賈勰謂白莖秋葵六月種秋堪實者其子可炒食其葉可知蜀葵陳根秋生苗葉如鴨脚瀹食與菊苗不殊元人尚知此風味備述以補疏並爲愛素者備菜根香之一李氏曰葵可茹公儀子所拔是也齊民要術曰今世

有紫葵白葵二種白莖小者名鴨脚葵埤雅左傳云葵  
猶能衛其足今葵心隨日光所轉輒低覆其根孔子曰  
禾生垂穗向根不忘本也蓋禾之向根仁也葵之衛足  
知也故葵揆也字說曰草也能揆日向焉故又訓揆本  
草曰葵爲百菜之主豈以此乎爾雅蔞葵蔞露蔞葵一  
名蔞露此又葵之一種蔓生葉圓而厚周官大圭終葵  
首義取諸此春必畦種水澆而冬種者有雪勿令從風  
飛去每雪輒一勞之令地保澤葉又不蟲招必待露解  
收必待霜降晚則黃爛早則溼黑也集傳葵菜名爾雅  
注曰葵承露也大莖小葉華紫黃色可茹

菽 廣雅大豆亦也小豆答也豆角謂之筴其葉謂之藿

案淮南子菽夏生冬死九穀中穫最後故小明云歲聿云莫采蕭穫菽定元年十月隕霜殺菽蓋夏正八月非穫菽時殺之爲災此獨言烹葵及菽蓋烹其藿也采菽箋云采之者采其葉以爲藿也

棗

毛傳剝擊也詩緝就樹擊而落之棗木其類大小不

一實亦大小不一收棗法熟時撼而落之爲上青史子棗北方之果冬木也埤雅大者棗小者棘棘酸棗也於文重束爲棗並束爲棘蓋棗性重喬棘則低矣棗實未孰雖擊不落孰則爛不擊自墮故收棗擊而落之齊民

要術所謂金赤則收收法撼而落之爲上是也蓋半赤則肉未充滿將赤味亦不佳若乾則紅皺或黃皺爲烏鳥之費故於全赤時剝而落之夏小正曰剝棗栗零剝者取也零者降也零而後取之今採華藥亦各有時筆談云如紫草未華時採則根色鮮澤華過而採則根色黯惡故用葉者葉初長足時採用華者華初敷時採用實者成實時採緣土氣有早晚天時有愆伏也如平地三月華者深山中則四月華是也世之噉棗令人齒黃養生論曰齒居晉而黃晉食棗故也○鄭箋介助也旣以鬱下及棗助男功又獲稻而釀酒以助其養老之具

是謂幽雅。

瓜

埤雅瓜性惡香尤忌聞麝麝若觸之一蒂不收制字象其實在鬚蔓之間大曰瓜小曰瓠郊特性曰天子樹瓜華瓜曰華之故謂之瓜華而瓜性少延輒腐故禮以戒諸侯蓄藏又曰瓜祭上環舊說其忖謂之環環瓜之脫華處也其當謂之蒂蒂瓜之繫蔓處也蒂味小苦墨子曰甘瓜苦蒂天下物無全美也稽聖賦曰瓜寒於曝油冷於煎鄭箋有敦瓜苦瓜之瓣有苦者以喻其心苦○毛傳敦猶專專也孔疏敦是瓜之繫蔓貌言瓜繫於蔓專專然也



壺

毛傳壺瓠也孔疏謂甘瓠可食者也劉氏曰枯者可爲壺嫩者可供茹八月宜斷其稍令勿復花實所以堅其壺而大其茹今民尙爾埤雅似匏而圓曰壺壺圓器也故謂之壺亦曰壺盧古今注曰壺盧匏之無柄者也元蜂若壺蓋取諸此壺性善浮要之可以涉水南人謂之要舟鵲冠子曰中流失船一壺千金以此詩曰斷壺壺性蔓生披蔓斬之故曰斷今收法八月冷露降輒先斷其根令其餘蔓飲之已日乃收尤爲堅成可用莊子曰今子有五石之瓠何不慮以爲大樽而浮乎江湖壺之爲樽其來尙矣春秋傳曰樽以魯壺司尊彝曰饋獻

用兩壺尊以質爲貴記所謂器用陶匏貴所質也蓋壺與匏同義本草有短柄大腹者爲壺集傳食瓜斷壺亦去圃爲場之漸

叔苴 毛傳苴麻子也叔拾也孔疏叔苴謂拾取麻實以供食也喪服疏麻九月初熟拾取以供羹菜本草麻子味甘平主補中益氣久肥健不老

樗 毛傳樗惡木也孔疏樗惟堪爲薪故曰惡木莊子云吾有大樹人謂之樗其大枝擁腫不中繩墨其小枝卷曲不中規矩陸疏樗樹及皮皆似漆青色耳其氣臭趙氏佑曰此正釋樗卽今俗謂臭椿蘇恭唐本草椿樗二

樹形相類樗木疎椿木實蘇頌圖經椿葉香可啖樗氣臭北人呼爲山椿江東呼爲鬼目葉脫去有痕如眼目故名徐氏鼎曰椿葉今俗呼爲香椿樗木俗呼爲臭樹其材止可供薪○以上第六章鄭箋瓜瓠之畜麻實之慘乾茶之菜惡木之薪亦所以助男養農夫之具

重穆 毛傳後熟曰重先熟曰穆孔疏先種後熟謂之重後種先熟謂之穆重周禮注作童

禾麻菽麥 孔疏禾是大名非徒黍稷重穆四種而已稍秫苽粱之輩皆名爲禾麻與菽麥則無禾稱故於麻菽麥之上更言禾字以總諸禾林氏有席曰黍稷禾麻菽

麥六種。禾又是總名。麻菽麥皆無禾稱。故加禾字以總諸禾。實則五種而已。重穆以生熟早晚言。非有兩種穀名也。許氏謙謂麥非納於十月。蓋總言農事畢耳。沈氏青崖謂邠地苦寒。諸禾稼皆遲。麥中又有燕麥。至九月方收。不得謂麥不納於十月也。卽以菽論。豌豆戎菽。五六月間旣同麥早熟。若黃黑豆則亦九月始熟。故必至十月而稼乃同也。今案沈辨尤細。稼禾之秀實在野者。谷連藁秸曰禾。合言則禾稼分言則或禾或稼。故上言納禾稼而下祇以我稼旣同收之。

茅 埤雅 茅體柔而理直又絜白故先王用之以藉亦以

縮酒孔子曰茅之爲物薄而用可重也易曰拔茅茹拔其根而牽茹者君子以類出處之象管子曰農趨時就功首戴蒲茅身衣發襴蒲茅簦笠也蓋尊者服臺笠而卑者蒲茅列子曰因以爲茅靡因以爲波流言其轉徙無定也茅靡一作弟靡弟讀作稊稊茅之始生也詩曰手如柔荑荑稊一也

綯

毛傳綯絞也

案絞是實字非虛字

鄭箋夜作絞索爾雅訓綯爲

絞。絞卽繩索之索也。李巡曰綯繩之絞也。王氏述聞曰郭注以爲糾絞繩索則是以絞爲糾絞之絞失之矣。趙岐注孟子曰晝取茅草夜索以爲綯是也。離騷索胡繩

之灑灑淮南子汜論篇綵麻索縷高誘注索切也切與  
綯同謂撚之使緊也是索爲糾繩之名廣雅釋器曰綯  
繩索也字或作綯小爾雅曰綯索也大者謂之索小者  
謂之繩物原燧人作繩軒轅作綿索黃氏日抄曰程云  
綯所用蓋屋諸家並同惟嚴華谷謂茅不可索綯晝取  
茅草將以蓋屋宵作索綯將以縛屋蓋指田廬言之○  
以上第七章鄭箋旣同言已聚也可以上入都邑之宅  
治宮中之事矣於是時男之野功畢十月定星將中急  
當治野廬之屋其始播百穀謂祈來年百穀於公社  
韭 埤雅詩曰獻羔祭韭開冰春祭也禮春薦韭內則曰

豚春用韭是也。葱與芥陰物，韭與蓼陽物。論衡曰：地性生草，山性生木。故地種葵韭，山種棗栗。名曰美園茂林。韭者久也。禮韭曰豐，本本豐則末殺瘦矣。蓋饔之美在白韭之美在黃，皆惡其末之盛也。齊民要術曰：韭高三寸便翦，其以此乎？又曰：翦如葱法，一歲中不過五翦，凡翦不用日中。故諺曰：觸露不掐葵，日中不翦韭。韭性內生根，喜上跳，故種與葵同法。而畦欲極深，羅願曰：首春色黃，未出土時最美。故曰：春初早韭。今吳中呼爲韭芽。其性易長，翦則便生。林氏有席曰：韭暈菜性溫補。說文曰：一種而久者，謂之韭。象形在一之上，一地也。

兕觥。毛傳：公堂，學校也。觥所以誓眾也。○以上第八章。  
鄭箋：上章備寒，故此章備暑。后稷先公，禮教備也。於饗而正齒位，故因時而誓焉。飲酒既樂，欲大壽無竟，是謂  
幽頌。

鳴鵒

鳴鵒

呂氏曰：鳴鵒，惡聲之驚鳥也。詩有鵒萃止，又翩彼

飛鵒，又爲梟爲鵒，蓋梟之類。釋鳥：鳴鵒，鵒鵒。

毛傳：陸疏同。

鳴鵒似黃雀而小，其喙尖加錐，取茅莠爲窠，以麻紮之，如刺鞭然，縣著樹枝，或一房，或二房。幽州人謂之鵒鵒，或曰巧婦，或曰女匠。關東謂之工雀，或謂之過羸。關西



謂之桑飛或謂之襍雀或曰巧女邢氏曷曰先儒皆以爲今之巧婦郭注此云鴟類又注方言云鷦鷯鴟鴞屬非此小雀明矣埤雅先儒以爲卽今巧婦郭注爾雅云鴟類則與先儒異意以詩與爾雅考之宜如璞義蓋爾雅言鴟鴞鷽鷽繼云狂茅鴟怪鴟臬鴟則鴟鴞宜亦鴟類賈誼所謂鸞鳳伏竄鴟鴞翱翔是也詩緝鴟鴞鴟類惡聲之鳥郭璞以爲鴟類陸璣以爲巧婦邢疏陸農師是璞而非璣詩記曰方言云自關而東謂桑飛曰鷽鷽此乃陸疏所謂巧婦似黃雀而小其名偶與鴟鴞之別名同與爾雅所載實兩物也毛鄭誤指以解詩餘詳

瞻印

桑土 毛傳桑土桑根也韓詩作杜揚子方言云東齊謂根曰杜字林作黻桑皮也案孟子朱注桑土桑根之皮也。最爲穩愜。方言謂東齊謂根曰杜。非專指桑根白皮。將茶 毛傳茶萑苕也孔疏藪爲萑萑苕謂藪之秀穗也。出其東門箋云茶茅秀然則茅藪之秀其物相類故皆名茶朱子曰將取也茶萑苕可藉巢者

東山

蠋 毛傳蠋桑蟲也釋蟲蛇鳥蠋郭注大蟲如指似蠶見韓子邢疏蠋一名烏蠋形似蠶埤雅言蠋以絲自裹又

久在桑野雖獨而已然其自營完矣韓非子曰蠃似蛇  
蠃似蠋人見蛇則驚駭見蠋則毛起管子曰龍欲小則  
化爲蠃蠋抱朴子又謂有蛇蠋化成之龍意者天下有  
自然之龍有蛇蠋化成之龍乎故曰生知學知及其成  
功一也趙氏佑曰以桑蟲之拳縮形獨宿之疲困敦同  
堆亦音團亦可如字倦而蹲卧之狀

果羸

毛傳果羸枯樓也

釋草同

李巡注枯樓子名也邢疏

孫炎云齊人謂之天瓜本草云枯樓似瓜葉形兩兩相  
值蔓延青黑色六月華七月實如瓜瓣圖經三四月生  
苗引藤蔓葉又有細毛七月開花淺黃色結實在花下

大如拳生青九月熟赤黃色有正圓者有銳而長者根  
名白藥徐氏鼎曰說文木上曰果地下曰羸蓋此草蔓  
生附木故得兼名其根作粉色白如雪俗名天花粉

伊威。毛傳伊威委黍也陸疏一名委黍一名鼠婦在壁

根下甕底土中生似白魚婢雅一名鼠婦食之令人善

淫術亦曰鼠負陶隱居云鼠在坎中背則負之一名鼠

姑因溼化生今俗謂之溼生林氏有席曰伊威亦曰婦

負因溼化生俗謂之溼生室不埽則有之俗又呼地雞

地虱

蠨蛸 毛傳蠨蛸長跣音欺也郭注今小蜘蛛長脚

者俗呼爲喜子陸疏一名長脚荊州河內人謂之喜母  
此蟲來着人衣當有親客至有喜也幽州人謂之親客  
亦如蜘蛛爲網居之古今注身小足長故謂長跼埤雅  
乾鵲噪而行人至蜘蛛集而百事喜王安石字說曰設  
一面之網物觸而後誅之知乎誅義者故曰蜘蛛而蠨  
蛸亦蜘蛛類室無人埽結網當戶

宵行

集傳宵行蟲名

同孔疏

如蠶夜行喉下有光如螢朱

子語錄余正甫云宵行是夜光蟲夜行於地熠燿言其  
光耳非螢也困學紀聞集傳本董氏道說文引熠燿宵  
行熠盛光也末章熠燿其羽其義一也孔疏熠燿者螢

火之蟲飛而有光之貌亦非。燐詩緝孔說甚是。毛說未  
安。王氏世業據李氏時珍謂螢有三種。一種名蠲。俗名  
螢蛆。尾後有光。無翼不飛。明堂月令所謂腐草爲蠲是  
也。其名宵行。當指此種。故集傳曰如螢。一種小而宵飛。  
腹下光明。乃茅根所化。月令腐草爲螢是也。一種水螢。  
居水中。李子卿螢火賦彼何爲而化草。此何爲而水居。  
是也。趙氏佑曰。以第四章例之。則以爲名者殆非宵行。  
當是名猶鳥名。夜游花名。夜合之類。熠燿說文作熠燿。  
鵲。鄭箋鵲水鳥也。陸疏鵲鵲雀也。似鶴而大。長頸赤喙。  
白身黑翅。尾樹上作巢。大如車輪。卵如三升杯。望見人。

案其子令伏徑舍去一名負金一名黑尻一名背竈一

名阜裙又泥其巢一傍爲池含水滿之取魚置池中稍

稍以食其雛若殺其子則一村致旱災埤雅鶴形狀畧

如鶴其性甘帶

蟲名見莊子齊物論

遇巨石知下有蛇卽石前禹

步其石防然轉南方里人學其法者伺其養雛緣以笈

絙縛其巢鸛則作法解之乃於木下鋪沙印其足跡而

倣學之天將雨則長鳴而喜蓋知雨者也又善羣飛薄

霄激雨雨爲之散鸛水鳥也伏卵時數入水卵則不蝦

取礬石周圍繞卵以助暖氣故方術家以鸛暖巢中礬

石爲真物禽經曰鸛俯鳴則陰仰鳴則晴是有見於上

下也。於文薈見爲觀。蓋取諸此。拾遺記曰：鶴能聚水巢上。故人多聚鶴。鳥禳却火災。續博物志云：鶴有長水石，故能於巢中養魚，而水不涸。陶隱居曰：鶴有兩種，似鵠而巢樹者爲白鶴，黑色曲頸者爲烏鶴。雜俎曰：羣鶴旋飛爲鶴井，則必有風雨。鶴說文作萑，小爵也。集傳：垤，蟻塚也。將陰雨，則穴處者先知，故蟻出垤而鶴就食之。遂鳴於其上。黃氏一正云：鶴以喙相擊而鳴。韓詩章句：鶴巢居知風，穴居知雨。天將雨，鶴見蟻出壅土，長鳴而喜。瓜苦栗薪。集傳見瓜苦繫於栗薪之上。○毛傳：敦猶專。專也。烝，眾也。言我心苦事又苦也。鄭箋：瓜之瓣有苦者。



以喻其心苦也。烝，塵粟析也。言君子又久見使析薪於事尤苦也。古者聲栗裂同。釋文：敦，徒丹反；栗，毛如字。鄭音列。韓詩作漻，力菊反，衆薪也。案鄭與毛義各不同。

皇駮。毛傳：黃白曰皇駮，白曰駮。釋畜同孔疏：黃白謂馬色

有黃處有白處，駮白謂馬色有駮處有白處，駮赤色也。埤雅：徐鉉曰：駮，疑象駮文。晉侯乘駮乳虎，見之而伏，則象駮之文理或然也。駮亦馬之上色，故國君乘之。文王曰：昔者寡人夢見良人，黑色而顙，乘駮馬而偏朱蹄，諸大夫蹇然曰：「先君王也。」詩亦言皇駮其馬者，士昏禮攝盛故也。爾雅所謂駮如馬，倨牙食虎豹，詩所謂隰有六

駁者字从交字說曰駁類馬食虎而虎食馬凡類已而  
能除害已者在所交也則駁似非此駁玉篇駁馬色不  
純易說卦傳乾爲駁馬爾雅釋木駁赤李邢疏李之子  
赤者名駁俗謂龐雜爲駁雲開曰解駁案古駁與駁同  
九經字樣泥說文分駁駁爲二者非趙氏佑曰序云一  
章言其完也三章言其思也三章言其室家之望汝也  
四章樂男女之得及時也三其字皆謂征士則二章之  
思斷是士在外思其家若作妻思之與三章何別四章  
自當爲既歸後未婚者得及時畢婚若指出軍時則少  
陵之新婚別矣合箋疏參之集傳安得不單行但舊解

必不可廢處正多耳。

### 九罟

鱣魴

陸疏

鱣似鱣

音混

而鱣細於鱣赤眼毛傳九罟罟

小魚之網也鱣魴大魚也鄭箋設九罟之罟乃得鱣魴之魚孔疏九罟魚網也毛以爲鱣魴乃是大魚今處九罟之小網非其宜以與周公是聖人今處東方之小邑亦非其宜王何以不早近之乎郭注江東呼魴魚爲魴孫炎曰謂魚之所入有九囊詩緝九罟毛以爲小網諸家或以爲大網郭璞言有百囊網則九囊者不得爲大網又有不及九囊者則九囊亦不爲甚小蓋常網也鱣

魴毛以爲大魚。今赤眼魴及鰕魚皆非大魚。趙氏佑曰：魴非大魚。自是毛傳之誤。此言九囊小網不能得大魚。纔魴而已。以興東土下國不足久留大人也。齊風敝笱之魴鰕魴鱣則又以魚之多興從者之盛。意不重在大小。傳亦誤。而集傳皆從之。○太平御覽韓詩九罭取鰕芑也。范氏家相曰：毛以九罭爲綬罭。小魚之網。鰕芑則益小矣。孫炎以爲九囊之網則是大網。朱子從之。

### 狼跋

狼 詩緝：狼猛健之獸，雖善用兵者禦之亦不能免。平時不至跋蹙，其老者領下垂胡，若在平地亦無跋蹙之理。

所言跋胡寔尾謂其落機阱之時進退求脫不得耳

詩緒餘錄卷五終

受業葉應陽校字